



Meiⁿ aldi Kaffetaß.

Ich hann dehääm e Kaffetaß,
's iß schun e ald Gescherr;
Un doch isse um nix meer fääl
Un wann ich Keenig werr.
Aus Schdäⁿguud mit 'me goldne Rand,
Weidbauchig ausgehoohld
Un uff de Vorderseid, do sinn
Zwää Beggelcher gemoold.

Sie iß schun ald, meiⁿ Grooßmudder
Hadd schun aus ehr gedrunf,
Un wer se zwäämol vollschder leerd,
Hadd Kaffe aah genunk.
Es war for sie e Heiligthum,
Die Taß, so grieⁿ geferb'd;
„Daß d' mer se aah in Ehre halsch'd“
Sahd se noch, wie se schderbd.

Grooßmudderche, kannsichd ruhig seiⁿ,
Sie hadd e Ehreplatz;
Do an de Wand, un wä^h' der Taf
Hall ich kähⁿ Hund, kähⁿ Katz.
Un wann ich alles läärig bin,
Un nir mähⁿ machd mer Schbaf,
Dann setz ich for meiⁿ Schreibdisch mich,
Bedrachd meiⁿ Kaffetaß.

Dann, wie e Draam, kummd iwer mich
Die Zeid in schneller Fluchd,
Wie ich als klähner Krubbes als
Die Grooßmudder besuchd;
Ich sieh, wie aus de Taf se drinkd
Midd Zuschd un Abbedidd
Un wie se meer meiⁿ Dhäl dann in
De Unnerdeller schidd.

Un eh ich mich's versteh, werr ich
Weehläärig uffgelehd;
Als ob sich vun denn Beggelcher
Ähns orrer 's anner reed,
Gehd dann e Zwidschre durch die Schdubb
& Singe, wunderbar —

Bis daß mich draus e Schridd uffschreckt
Un aus meim Draam ich fahr.

's is e Bekannder, der zum Bier
Un Schlaad mich hole will.
„Na" aldes Haus, ich glaab du schlooffschd"
Er werdd uff ähmol schdill.
Warum ich so verschdawwerd weer,
Warum mei" Nahe naß? —
Wasß wääß dann der vun unserm Glick,
Gell, aldi Raffetaß!

